

四庫全書

經部

欽定四庫全書

古經解鉤沉卷二十

長洲余蕭客撰

春秋左傳六

襄公

下

二十九年經城杞

夫伯主之於諸侯雖曰先姬姓而後異姓然於正救之道第同盟而共尊王室則異姓亦無碍矣苟不同

盟而不尊王室則姬姓亦有嫌焉如城邢城楚丘城
緣陵皆伯主帥諸侯而城矣齊桓公城緣陵得非遷
杞耶奚齊桓公城杞而無詞晉平城杞而異論故聖
人以常文而書之無譏無刺非昇非絀也公羊穀梁
俱不足取左氏以杞無事而晉以外族之故帥諸侯
而城之載鄭子太叔與衛太叔儀之言曰不恤宗周
之闕而夏肄是屏所謂廣記當時之事然於經之傳

斯得其實矣折衷

山堂考索
續集十二

傳不尚取之

不尚尚也尚當取女叔侯殺之服虔

宋本疏
二十五

請觀於周樂

周樂魯所受四代之樂同

始基之矣

言始造王基也

王肅

猶未也

未有雅頌之成功賈逵

淵乎

淵深也同

吾聞衛康叔武公之德如是

康叔遭管叔蔡叔之難武公罹幽王褒姒之憂故曰
康叔武公之德如是同

為之歌王

王室當在雅衰微而列在風故國人猶尊之稱王猶
春秋之王人也服虔

其周之東乎

平王東遷雒邑同

為之歌鄭

鄭風東鄭是

賈逵

並史記注
三十一

鄭東鄭古檜國之地

服虔

詩疏四
之二

其細已甚民弗堪也

其風細弱已其攝於大國之間亡遠慮持久之風故

曰民弗堪將先亡也同

泱泱乎大風也哉

泱泱舒緩深遠有太和之意其詩風刺辭約而義微
體疎而不切故曰大風同

表東海者

言為東海之表式同

國未可量也

國之興衰世數長短未可量也服虔

蕩乎樂而不淫

蕩然無憂自樂而不荒淫也賈逵

並史記注
三十一

此之謂夏聲

秦仲始有車馬禮樂之好侍御之臣戎車四牡田狩之事其孫襄仲列為秦伯故有蒹葭蒼蒼之歌終南之詩追錄先人車鄰四驥小戎之歌與諸夏同風故

曰夏聲服虔

詩疏六
之三

大而婉

其志大直而有曲體歸中和賈逵

險而易行以德輔此則明主也

中庸之德難成而易行故曰以德輔此則明主也同

自鄩以下無譏焉

鄩以下及曹風其國小無所刺譏服虔

地史記注
三十一

為之歌小雅

自鹿鳴至菁菁者誼道文武修小政定大亂致太平

樂且有儀是為正小雅同

詩疏九
之一

怨而不言

非不能言畏罪咎也

王肅史記注
三十一

為之歌大雅

陳文王之德武王之功自文王以下至鳧鷖是為正

大雅服虔

詩疏九
之一

為之歌頌

哀公十一年孔子自衛反魯然後樂正雅頌各得其所距此六十二歲當時雅頌未定而云為之歌小雅

大雅頌者傳家據已定錄之服注

詩譜
序疏

至矣哉

言道備至也賈逵

遷而不淫

遷徙也文王徙豐武王居鎬服虔

見舞象箛南籥者

象文王之樂武象也箛舞曲也南籥以箛舞也賈逵

並史記注

三十一

象文王之樂舞象也箛舞曲也言天下

樂削去無道服注

詩疏十九之一

猶有憾

憾恨也恨不及已以伐紂而致太平也同

見舞大武者

周公所作武王樂賈逵

並史記注
三十一

周用六代之禮

樂故有雲門咸池大韶大夏大濩大武也魯受四代

之禮樂故不舞雲門咸池示有降殺也穎容釋例

御覽

五百六

十五

見舞韶濩者

韶濩殷成湯樂大護也賈逵

聖人之弘也

弘大也同

而猶有慚德聖人之難也

慙於始伐而無聖佐故曰聖人之難服虔

見舞大夏者

夏禹之樂賈逵

勤而不德

禹勤其身以治水土也服虔

見舞韶箭者

有虞氏之樂大韶也同

德至矣哉

至帝王之道極於韶也盡善盡美也同

如天之無不燾燾也

燾覆也賈逵

若有他樂吾不敢請已

周用六代之樂魯受四代下周二等故不舞其第二季
札知之故曰有他樂吾不敢請服虔

子速納邑與政

入邑與政職於公不與國家之事同

慎之以禮

禮所以經國家利社稷也同

聞鐘聲焉

孫文子鼓鐘作樂同

辯而不德必加於戮

辯若鬪辯也夫以辯爭不以德居之必加於刑戮也

同

夫子獲罪於君

夫子孫文子也獲罪出獻公以戚畔也賈逵

猶燕之巢於幕上

言至危

王肅

君又在殯

衛君獻公棺在殯未葬賈遠

終身不聽琴瑟

聞義而改也琴瑟不聽而況於鐘鼓乎服虔

晉國其萃於三族乎

言晉國之祚將集於三家同

好直

直不能曲撓以從衆同

並史記注
三十一

三
年
傳
齊
歸
之
子

齊謚服虔

無則立長

無母弟則立庶子之長

同

猶有童心

言無成人之志而有童子之心

並史記注
三十三

展輿因國人以攻莒子

其文當曰展輿因國人之攻莒子而後來傳寫誤為

以字爾趙集傳

闕疑三
十三

昭公

元年傳告於莊共之廟

莊謂楚莊王圍之祖共王圍之父服虔

儀禮疏八

兩於前伍於後專為右角參為左角偏為前拒

司馬法云五十乘為兩百二十乘為伍八十一乘為

專二十九乘為參二十五乘為偏彼皆準車數多少

以為別名此傳去車用卒而有此名則此名不以車

數為別也服虔

宋本疏二十六

居於曠林

曠大也賈逵

后帝不臧

后帝堯也臧善也同

於商丘

在漳南同

主辰

辰大火主祀也服虔

商人是因

商人契之先殷之世祖相土封關伯之故地因其故

國而代之同

於大夏

在汾澮之間賈逵

主參

主祀參星同

唐人是因

唐人謂陶唐之胤劉累事夏孔甲封於大夏因實沈之國子孫服事夏商也同

夢帝謂已

帝天也已武王也同

故參為晉星

晉主祀參參為晉星同

曰昧為玄冥師

玄冥水官也師長也昧為水官之長服虔

生允格臺駘

兄弟也同

臺駘能業其官

修昧之職同

宣汾洮

宣猶通也賈逵

並史記注
四十二

汾洮二水名同

水經
注六

障大澤

障陂障其水也服虔

以處大原

大原汾水名同

帝用嘉之

帝顓頊同

沈如蓐黃

四國臺駘之後賈逵

而滅之矣

滅四國

於是乎禋之

禋為營攢用弊也服虔

並史記注
四十二

淫聲

鄭重之音使人淫過許慎五經通義

初學記
十五

鄭重

其手而音淫過服虔

公羊
疏七

陰陽風雨晦明也

風東方雨西方陰中央晦北方明南方唯天陽不變

賈逵

服虔

並惠校相臺岳本
毛詩疏十五之三

問應為後之辭焉

問來赴者同

史記注
四十

甲辰朔

祭人君用孟月人臣用仲月同

朱校宋本禮
記疏十八

二年傳且告為政而來見禮也

按霸國正卿無有通諸國告為政之理前後為政者

多矣何不來乎趙集傳

辨疑
十

宣子譽之

譽游也宣子遊其樹下夏諺曰一游一譽為諸侯度

服虔

宋本疏
二十六

使郊勞

近郊三十里同

詩疏二
十之一

三
年傳火中寒暑乃退

火大火星也季冬十二月平旦正中在南方大寒退

季夏六月黃昏火星中天暑退是火為寒暑之候事

也同

詩疏八
之一

而三老

工老商老農老同

讒鼎之銘

讒鼎疾讒之鼎明堂位所云崇鼎是也一云讒地名

禹鑄九鼎於甘讒之地故曰讒鼎服虔

宋本疏
二十六

四年經大雨雹

穀梁作大雨雪三家經同異

公羊疏
二十二

傳三塗

塗道也太行轅轅峭崿同

山名土地名

山在陸

渾縣南

杜例並水經
注十五

傳無電雖有不為災

疏闕
文

正義曰無電謂無害物之電雖有依時小電不

與物為災也

宋本二
十七

日在北陸

陸道也北陸言在謂十二月日在危一度服注

西陸朝覲

不言在則不在昴謂二月在婁四度謂春分時奎婁

晨見東方而出冰是公始用之同

並周禮疏五

而出之

春分之中奎始晨見東方蟄蟲出矣故以是時出之

給賓客喪祭之用同

朝之祿位

謂大夫以上同

以享司寒

司寒司陰之神玄冥也將藏冰致寒氣故祀其神同
火出

於夏為三月於商為四月於周為五月

同並詩疏
八之一

成有岐陽之蒐

岐陽岐山之陽賈逵

康有艷宮之朝

艷宮成王廟所在服虔

為仍之會有緡

仍緡國名賈逵

為黎之蒐

黎國子姓服虔

並史記注四十

以落之

釁以豶豚為落

詩疏同

五年傳叔孫氏臣其子弟

疏闕文

大率半屬於公半屬於已

宋本二十七

明而未融

融高也服虔

詩疏五之一

勞諸索氏

京縣有大索亭小索亭大小索氏兄弟居之故有大

小之號土地名

李石續博物志九通鑑音注百二十六

於雱婁

楚之東邑服虔

史記注三十一

年經公如楚

賜以大屈之弓春秋大傳

余知古渚宮舊事二

叔孫婁

婁音釋徐音

影宋本
集韻十

傳夢襄公祖

祖道者行祭為道路祈也五經要義

後漢書注
五十四

好以大屈

大屈寶金可以為劍一曰大屈弓名魯連書曰楚子
享魯侯於章華與之大曲之弓既而悔之大屈殆所

謂大曲之弓服虔

史記注
三十三

化為黃熊

鮓之所化是能鼈也若是熊獸何以能入羽淵梁主

宋本疏

二十七

余敢忘高圉亞圉

高圉亞圉周人所報而不立廟三傳異同說

朱校宋本禮記

疏十
七

曰孔丘

仲尼時年三十五賈注

史記索隱十四

聖人之後也

聖人謂商湯服虔

史記注
四十七

而滅於宋

孔子六代祖孔父嘉為宋華督所殺其子奔魯也同

後漢書

注七十

弗父何

宋濬公世子厲公之兄同

以有宋而受厲公

以有宋言湑公之適嗣當有宋國而讓與弟厲公同

並詩疏二

十之三

及正考父

弗父何之曾孫同

並史記注
四十七

佐戴武宣

三人皆宋君也賈逵

三命

上卿同

並御覽四
百二十二

一命而僂再命而偃三命而俯

僂偃俯皆恭敬之貌服虔

史記注
四十七

俯恭於偃偃恭

於僂賈逵

循牆而走

言不敢安行也同

並御覽四
百三十二

若不當世

謂若弗父何殷湯之後而不繼世為宋君也

王肅
史記

注四

十七

歲時日月星辰是謂也

歲星之神也左行於地十二歲而一周時四時也日

十日也月十二月也星二十八宿也辰十二辰也是

為六物也

服虔詩疏十二之三

年八傳石言於晉魏榆

魏晉邑榆州里名也

水經注六

陳顓頊之族也

陳祖虞舜舜出顓頊同

且陳氏得政於齊而後陳卒亡

物莫能兩盛賈逵

自幕至於瞽瞍無違命

幕舜之先鄭衆例 幕舜後虞思也至於瞽瞍無聞

違天命以廢絕者賈逵

並史記注
三十六

九年傳辰在子卯

五行子卯自刑鄭衆春秋注

朱校宋本禮
記疏十三

祭以乙

卯日死紂以甲子日亡故以為戒賈逵

經典釋
文十一

如齊殷聘

殷中也自襄二十年叔老聘於齊至今積二十一年

聘齊故中復盛聘

服注 周禮疏
三十七

年十經十有二月

無冬刺不登臺視氣賈遠

服虔

公羊疏
二十二

傳請斷三尺焉

斷三尺使至於較大夫旗至較服

注 周禮疏
三十九

視民不佻

示民不偷薄同詩疏九

年十二傳攸乎

攸以久切徐音影宋本集韻六

求鼎以為分

有功德受分器服虔

筭路

柴車素木輅也同

藍縷

言衣敝壞其萑藍藍然同

跋涉山川

草行曰跋水行曰涉同

唯是桃弧棘矢

所以禦其災言楚地山林無所出同

齊王舅也

齊呂伋成王之舅同

昔我皇祖伯父昆吾

陸終氏六子長曰昆吾少曰季連季連楚之祖故謂

昆吾為伯父也同

舊許是宅

昆吾曾居許地同

析父

楚大夫賈逵

並史記
注四十

是能讀三墳

三皇之書

墳大也言三皇之大道同

文選注十六
玉海三十

七

張平子說三墳三禮禮為人防爾雅曰墳大防

也書曰誰能典朕三禮延篤注

宋本疏
二十八

八索

素王之法賈逵

孔子作春秋素王之法也同

文選
注十

六

十三
經楚公子棄疾殺公子比

衛殺州吁齊殺無知皆書曰人討比不稱人何也棄

疾以圖位而殺比其罪鈞也故不可稱人啖集傳

微
旨

下

傳以聽國人

聽國人欲為誰服虔

將欲入鄢

鄢楚別都同

再奸王命

斷王旌執人於章華之宮同

獲其五帥

五帥蕩侯潘子司馬督囂尹午陵尹喜同

乃使為卜尹

卜尹卜師大夫官賈遠

乃與巴姬

共王妾同

跨之

兩足各跨壁一邊服虔

同惡相求如市賈馬

謂國人同惡相求者如市賈之人求利也同

無與同好誰與同惡

言無黨於內當與誰共同好惡同

無釁而動

言靈王尚在而妄動取國故謂無謀同

私欲不違

不以私欲違民心同

齊桓晉文

皆庶子而出奔同

有莒衛

齊桓出奔莒自莒先入衛人助之賈遠

有國高

國子高子皆齊之正卿服虔

從善如流

言其入

有齊宋秦楚

齊以女妻之宋贈之馬楚享以九獻秦送內之同

有樂卻狐先

四姓晉大夫同

惠懷棄民

皆棄民不恤服虔

並史記注四十

間朝以講禮

朝天子之法

賈逵

服注

朝霸主之法崔靈恩

並朱

校宋本禮

記疏十六

鄭伯男也

鄭伯爵在男畿賈逵

詩疏四之二

及中人

今中山望都里二十里有故中人城土地名

十五年傳圍鼓

白狄之別也下曲陽有鼓聚故鼓子國也

並水經注十一

十六年傳不亦銳乎

疏闕文

正義曰說文云銳芒也鋒芒尖故為細小言得

利小也

宋本二十九

十七年傳故為雲師而雲名

黃帝以雲名官蓋春官為青雲氏夏官為縉雲氏秋

官為白雲氏冬官為黑雲氏中官為黃雲氏服虔

故為火師而火名

炎帝以火名官春官為大火夏官為鶉火秋官為西

火冬官為北火中官為中火同

並宋本疏二十九

自顓頊以來

自少皞以上天子之號以其德百官之號以其徵自
顓頊以來天下之號以其地百官之紀以其事服注

朱校宋本禮記疏二十一

顓頊者顓猶專頊猶愉幼少而王以

致太平常自愉儉約自小之意故兩字為謚五經

通義

通典一百四

而命以民事

春官為木正夏官為火正秋官為金正冬官為水正

中官為土正高辛氏因之服注

賈公彥周禮疏序路史後紀注九

涉自棘津

棘津猶孟津也

同水經注五

及漢

天漢水也或曰天河賈逵解

宋本御覽八

十八年傳登大廷氏之庫

大廷氏古亡國之名在黃帝前其處高顯服注

周禮疏十

六

弗良及也

良能也服虔

宋本疏三十

巡羣屏攝

束茅以為屏蔽祭神之處草易然故巡行之鄭衆

周禮

疏十七

十九年傳費無極

楚大夫服虔

若大城城父

城父楚北境邑

同並史記注四十

城父周襄王居之因名

襄城土地名

寰宇記八

二十
年 傳彼將有他志

欲取國服虔

乃見鱣設諸焉

鱣諸吳勇士賈逵

並史記注
三十一

賓將擲

謂行夜賈注

服注並周禮
疏三十

齊侯疥

疥音該

梁元帝音

釋文
十九

聊攝以東

聊城懸東北三十里有故攝城

土地名

水經
注五

田於沛

今臨淄有濇水西北入沛即班志所謂如水

同

通鑑
音注

四

七音

黃鍾之均黃鍾為宮大族為商姑洗為角林鍾為徵

南呂為羽應鍾為變宮蕤賓為變徵一懸十九鍾十

二懸二百二十八鍾八十四律服注

魏書一百九

古之遺愛也

愛惠也

賈逵

史記注十二

二十一年傳豹則關矣

疏關

正義曰關鳥環反本又作彎

宋本三十

文

古經解鉤沉卷二十

欽定四庫全書

經部

古經解鈎沈卷二十一上至

詳校官監察御史臣施朝幹

刑部郎中臣許兆祿覆勘

總校官原任中允臣王燕緒

校對官助教臣胡予襄

謄錄監生臣崔堂

欽定四庫全書

古經解鉤沉卷二十一上

長洲余蕭客撰

春秋左傳七上

昭公

下

二十二年傳王子朝

景王之長庶子賈逵

史記注四

次於皇

黃

訾城北三里有黃亭土地名

鄆盼伐皇

今鞏洛渡北有鄆谷水東入洛謂之下鄆故有上鄆
下鄆之名亦謂之北鄆於是有南鄆北鄆之稱矣又

有鄆城蓋周大夫鄆盼之舊邑同

並水經
注十五

敬王

猛母弟賈遠

史記
注四

取前城

前讀為泉周地也服虔今洛陽西南五十里伊闕

外前亭土地名

並水經注十五

二十三年傳在澤邑

周地賈逵

史記注四

戊辰晦

此時史隨其日而存之杜例

宋本疏三十一

南宮極

王子朝之卿士失名注

今西王之大臣

子朝居王城故謂之西王同

東王

敬王居狄泉狄泉在王城之東故曰東王同

並御覽
八百八

十

二十
四年傳及鍾離

州來西邑同

史記注
三十一

二十
五年經有鸛鵒來巢

鸛音權

稽康音

釋文十九

上辛大雩季辛又雩

春秋不書常祭其或書之各有旨或為過時而書或非禮而書唯書雩數矣以多為過時斯書上辛之雩非為過時也非為非禮也是正雩之時也何者龍見而雩雩用夏夏之仲月斯書周之七月則夏之仲月也故曰正雩之時常祭不書正雩得非常祭歟曷以書之書之者為季辛又雩也亦猶書正月烝五月復

烝正月正也五月烝不正也書其正以譏其不正斯
上辛雩正也季辛又雩旱甚也書其正以明其旱是
復雩也左氏得其旨穀梁謂有繼之詞近之公羊謂
聚衆以逐季氏遠矣折衷

山堂考索
續集十二

傳民有好惡喜怒哀樂生於六氣

好生於陽惡生於陰喜生於風怒生於雨哀生於晦

樂生於明服注

詩疏十
八之三

師已

魯大夫賈逵

吾聞文成之世

魯文公成公同

並史記注
三十三

介其雞

介甲為雞著甲鄭衆

儀禮疏十六吳
曾能改齊漫錄四

擣芥子播

其雞羽可以盆邱氏雞目服虔

史記注
三十三

為之金距

金距以金踏距服注

儀禮疏
十六

平子怒

怒其不下已

同

益宮於邸氏

侵邸氏之宮地以自益同

臧昭伯之從弟

昭伯臧孫賜也賈逵

拘臧氏老

老臧氏家之大臣服虔

請以五乘亡

言五乘自省約以出同

逆孟懿子

仲孫何忌賈逵

並史記注
三十三

執冰

冰犢丸蓋同

宋本疏
三十一

服虔

惠校相臺岳本
毛詩疏四之二

請致千社

二十五家為一社千社二萬五千家也賈逵

史記注
三十二

二十六年 傳申豐從女賈

申豐女賈魯大夫同

粟五千庾

十六斗為庾五千庾八萬斗同

然據有異焉

異猶怪也服虔

並史記注
三十三

守闕塞

南山伊闕是也

同

亭蘭膾大元大一
統志三百八十三

伊闕在洛陽

西南五十里土地名

通鑑音注
五十八

欲立子西

平王之長庶子宜申服虔

太子壬弱

即昭王也其年幼弱同

王子建實聘之

謂夫人故太子建聘之同

是亂國而惡君王也

廢而不立是謂亂國迫惡君王也同

國有外援

謂太子宜秦之外孫同

不可黷也

黷易也秦為任外援不可易同

並御覽百四十七

王后無適則擇立長年鈞以德德鈞以卜

春秋之義三代異建適媵別貴賤有姪娣以廣親疎
立適以長不以賢立子以貴不以長王后無適明尊

之敬之義無所卜筮不以賢者人狀難別嫌有所私
故絕其怨望防其覬覦今如左氏言云年鈞以德德
鈞以卜君之所賢人必從之豈復有卜隱桓之禍皆
由此興乃曰古制不亦謬哉又大夫不世如并為公
卿通計嗣之禮左氏為短膏肓立適固以長矣無
適而立子固以貴矣今言無適則擇立長謂貴均如
立長王不得立愛之法年均則會羣臣羣吏萬民而
詢之有司以序進而問大衆之中非君所能掩是王

不得立愛之法也禮有詢立君示義在此休之言謬

失春秋與禮之義矣箴膏肓

並周禮疏二十四

若長均貴

均何以別之故須卜禮有詢立君卜立君是有卜也

箴膏肓

朱校宋本禮記疏十二

諸侯釋位以間王政

言諸侯釋其私政而佐王室服虔

魏志注一

其誰有此乎

景公自恐德薄不能久享齊國故曰誰有此也同

史記

注三
十二

二十七年 傳使公子掩餘公子燭庸

二公子並壽夢子春秋世族譜
史記索隱十

以觀諸侯

察強弱服虔

史記注
三十一

遇於窮

今安豐有窮水北入淮土地名
水經注
三十

及沙汭

楚東地同

水經注
二十二

不索何獲

不索當何時得也服虔

季子雖至

聘晉還至王肅

母老子弱是無若我何

專諸託其母子於光也服虔

並史記注
三十一

猶言我無

若是何同

史記索隱
十

專諸言王母老子弱王肅

我爾身也

言我身猶爾身同

鉞交於冑

交專諸匈也賈逵

以待天命

待其天命之終服虔

復命哭墓

復命於僚哭其墓也同

復位而待

復本位待光命同

並史記注
三十一

二十八年傳生女黥黑

髮美為髻服注

經典釋
文五

名曰玄妻

詩云鬢髮如雲其言美長而玄以髮美故名玄妻同

詩疏三
之一

為梗陽大夫

梗陽晉邑也今太原晉陽縣南六十里榆次界有梗

陽地土地名

水經注六

比於文王

此作唯此文王不可以文王之德還自此文王故知

比於文王可以比於上代文德之王也

劉炫宋本疏三十三

心能制義曰度

心能制事使得其宜言善揆度事也服虔

德正應和曰莫

在已為德施行為音發號施令天下皆應和之言皆

莫然無謹譁也同

照臨四方曰明

豫見安危也同

教誨不倦曰長

教誨人以善不懈倦言善長以道德也同

慈和徧服曰順

上愛下曰慈和中和也為上而愛下行之以中和天

下徧服從而順之同

擇善而從之曰比

比方損益古今之宜而從之同

經緯天地曰文

德能經緯順從天地之道故曰文同

並詩疏十六之四

其大宗

訟者之大宗失名注

謂閭沒女寬

二子晉大夫魏子之屬同

召之

召二大夫食同

或賜二小人酒

小人二子自謂同

不夕食

昨飲酒醉故不夕食同

願以小人之腹為君子之心屬厭而已

屬足也小人腹饑則恐食之不足厭飽則恐亡君子
居尊官食重祿而不知足故願以其腹為君子之心

同

並御覽四
百五十一

二十九年傳稱主君

大夫稱主比公於大夫故稱主君服虔

史記注
三十三

故國有豢龍氏有御龍氏

豢養也穀食曰豢賈逵

御亦養服虔

其後有劉累

后劉累之為諸侯者夏后賜之姓同

既而使求之懼

夏后既饗而又使求致龍不能得而懼也賈逵

並史記注

二

遂濟窮桑

窮桑顓頊所居服虔

路史後紀注八

三十一年經黑肱以濫來奔

公羊五分之然後受之邾婁本附庸三十里耳而言

五分之為六里國也服虔成長義

公羊疏
二十四

傳季孫練冠麻衣跣行

示憂感

王肅

史記注
三十三

十二月辛亥朔日有食之是夜也趙簡子夢童子羸而轉以歌

楚之先顓頊之子老童童子楚象行歌象楚走哭服
注 晉諸侯之霸與楚同盟趙簡子為執政之卿遠

將伐同盟日食之應故夢發趙簡子同

六年及此月也吳其入郢乎

是歲歲在析木後六年在大梁大梁水宗十一月日
在星紀為吳國分 姬姓日日在星紀星紀之分姬
姓吳也楚衰則吳得志吳世世與楚怨楚走去其國
故曰吳其入郢吳屬水水數十十月水位故曰六年
及此月也同

終亦弗克

有謫而食故知吳終亦不克同

入郢必以庚辰

後六年定四年十一月閏餘十七閏在四月後其十一月晦庚辰吳入郢在立冬後復此月也同

日月在辰尾

十二月辛亥日會月於龍尾而食庚午日初有謫故曰庚辰一曰日月在辰尾尾為亡臣是歲吳始用子胥之謀以伐楚故天垂象同

庚午之日日始有謫火勝金故弗克

午火庚金也火當勝金而反有謫故為不克

同並周禮疏

二十

五

三十傳不及四十年越其有吳乎

二年

史墨知不及四十年越有吳者以其歲星十二年一

周天存亡之數不過三紀三者天地人之數故歲星

三周星紀至亥枵哀二十二年越滅吳至此三十八

年同

越得歲而吳伐之必受其凶

歲星在星紀吳越之分野蔡復之歲歲在大梁距此
十九年昭十五年有事於武宮之歲龍度天門龍歲
星也天門在戌吳歲越過故使今年越得歲龍東方
宿天德之貴神其在所之國兵必昌向之以兵則凶
吳越同次吳先舉兵故凶也或歲星在越分中故云

得歲同

並周禮疏
二十六

定公

元
年經春王

春秋諸公即位之歲有書即位者有不書即位者然
皆備五始以謹其始唯定公即位第書定元年春王
而不書正月三家以是之互荀曰昭無正終故定無
正始則隱無正終桓曷以書正始桓莊僖閔亦然奚
皆書之故其旨昭公三十二年十二月薨於乾侯定
公正月不即位者喪未歸也至六月癸亥公之喪至
是月癸巳公方書即位所以不書正月公即位六月
也杜得其旨折衷

戊辰公即位

凡公即位皆於朔日故不書日定公待昭公喪至既

殯而即位故書日啖集傳

纂例二

立煬宮

煬公伯禽之子季氏禱而立其宮也鄭玄注

裴子餘廢隱太

子等四廟議 文苑

英華七百六十三

三年傳有兩肅爽馬

驕驕鳥也馬似之三傳異同說

宋本文選注五

肅霜色如

霜紈賈遠

宋本疏
三十三

肅爽鴈也其羽如練高首而修

頸馬似之天下稀有故子常欲之同

宋本疏三十三
兩漢刊誤補

遺

七

年四經戰於柏舉

柏舉漢東地土地名

水經注
三十五

傳君行師從卿行旅從

謂會同服虔

詩疏十
五之二

將長蔡於衛

載書使蔡在衛上同

史記注
三十五

以大路

金路也賈逵

少帛

雜帛也同

綉綫

大赤也同
旂名鄭衆

旂旌

通帛為旃析羽為旌賈逵

大呂

鍾名

同並史記注
三十七

無始亂

無為亂始

同御覽三百八十

王奔鄆

鄆楚縣服虔

殺吾父

父蔓成然同

以王奔隨

隨楚與國同

與申包胥友

楚大夫王孫包胥同

五年傳而自稷

稷楚地賈逵

並史記
注四十

六年傳於是乎遷郢於都

郡楚邑

服虔

史記注
三十一

負黍

在潁川陽城西南二十七里世謂之黃城也土地名

水經注

二十二

年七
傳陽關

魯邑服虔

史記注
三十三

年八
經三月公至自侵齊

還至不月為曹伯卒月賈逵

公羊疏
二十六

從祀先公

自僖公以來昭穆皆逆服虔

朱按宋本禮記疏三十二

傳吾志其目也

志中其目是非其誠詐以自矜同

儀禮疏七

九年傳而衣狸製

狸製狸裘也

詩疏八之一

十年傳於祝其實夾谷

東海郡祝其縣

史記注四

地二名同

水經注三十

且犧象

饗禮之犧尊象尊也同

嘉樂

鐘鼓之樂也同

並詩疏十三十二

十二年傳將墮三都

三家之邑

入及公側

人有入及公之臺側同

命申句須樂頌

魯大夫同

公斂處父

成宰

同並史記注
四十七

古經解鉤沉卷二十一上

欽定四庫全書

古經解鉤沉卷二十一下

長洲余蕭客撰

春秋左傳七下

定公

下

十三年

經築蛇淵囿

今濟北有蛇丘城城下有水魯囿也俗謂之濁須水

誤矣土地名

水經注
二十四

晉趙鞅入於晉陽

趙簡子居晉陽至成公居邯鄲

趙鞅容條例

元和郡縣圖志十三

晉太鹵太原太夏太墟晉陽太康六名其實一也

春秋地名

初學記八

傳歸我衛貢五百家吾舍諸晉陽

往年趙鞅圍衛衛人恐懼故貢五百家鞅置之邯鄲

又欲更徙於晉陽

服虔

告其父兄

午之請父兄及邯鄲中長老同

並史記注
四十三

十四年經於越敗吳於檣李

檣李越地

賈逵史記注
三十一

儺里越地同

王存九
域志五

今

吳郡嘉興縣李城

杜例

說文繫
傳十一

傳使死士

死罪人賈逵

欲以死報恩者鄭衆

並史記注
三十一

為夫人南子

南子宋女賈逵

謂戲陽速

戲陽速太子家臣同

並史記注
三十七

十五年
經辛亥郊

凡郊祀卜牛禮也卜郊非禮也何者牛可改郊不可
改也牛苟不吉則改之苟有傷則改之郊必其時也
先亦非禮也過亦非禮也以不卜者不可改也苟卜
必書之何者刺其非禮也苟過時必書之何者亦刺
其非禮也公羊謂三卜遇吉所以五月郊設三卜胡

不書之如成十年書五卜襄七年書三卜郊襄十一年書四卜郊而第書辛亥郊歟斯誤矣稽其旨上書飢鼠食郊牛牛死改卜牛書五月辛亥郊書改卜牛正也書五月郊不正也是刺不時而非禮明矣左氏穀梁得其旨公羊之短折衷

山堂考索續集十二

齊侯衛侯次於蘧棼

欲救宋蓋恤鄰也賈逵

公羊疏二十六

如氏卒

哀公母定姒卒時子未踰年雖行喪禮不可加於子

故書卒子既未成君故不稱夫人也啖集傳纂例

三

哀公

元年傳於夫椒

越地同

以行成

求成也服虔

昔有過澆

過國名也

賈逵並史記注
三十一

殺斟灌以伐斟鄩

地理志北海有斟縣故斟尋國禹後西北去灌亭九

十里土地名

水經注
二十六

斟尋去斟亭七里同

鄭樵通志四十

一

相

啓之孫服虔

后緡

緡有仍之姓賈逵

歸於有仍

有仍國名后緡之家同

生少康焉

少康后緡遺腹子服虔

為仍牧正

牧正牧官之長同肅

而邑諸綸

綸虞邑賈達

一成

六十里為成同

一旅

五百人為旅同

以收夏衆撫其官職

因此基業稍收取夏遺民餘衆撫修夏之故官憲典

服虔

配天

以鯀配天同

不失舊物

物職也

賈逵並史記注
三十一

年二傳子南僕

僕御也

賈逵

郢不足以辱社稷

郢自謂已無德不足以污辱社稷服虔

八人衰經

衰經為若從衛來迎太子也

同並史記注
三十七

登鐵上

鐵丘名也

土地名
水經注五

三年傳命藏象魏

象魏闕也法令懸之朝謂其書為象魏服虔

御覽一百七十

九

其桓僖乎

桓僖當毀而魯事非禮之廟故孔子聞有大災知其

加桓僖也

同史記注
四十七

四年經亳社災

公羊曰薄社也三家經同異

公羊疏
二十七

傳襲梁及霍

梁霍周南鄙也服注

霍陽山在周平城東南土地

名

將通於少習

少習楚通上洛院道也

同並水經注二十

年五傳齊燕姬生子不成

燕姬齊景公嫡夫人昭七年燕人所歸不成未冠也

服注

諸子鬻如之子荼

諸子諸公子鬻如景公妾也淳于人所納女荼安孺

子同

恐其為大

闕

子也

為子為太子也荼少故恐立之同

長矣未有太子若之何

言君長未有太子一旦不諱當若之何欲早立長也

同

二三子間於憂虞則有疾疢亦姑謀樂何憂於無君

言二三子當國家間暇無憂虞惟恐疾疢在其間今

無疾疢何為不自謀自樂何憂無君乎同

使國惠子高昭子

國惠子國景之子國夏也昭子高姬之子高張同

寘羣公子於萊

寘置萊齊東鄙邑欲使遠齊同

景公死乎不與埋三軍之事乎不與謀

萊人見五公子遠遷鄙邑不得與景公葬埋之事及

國三軍之謀故愍而歌同

師乎師乎何黨之乎

師衆也黨所也言公子徒衆何所適也同

並御覽百四十七

六
年
傳
晏
圍

晏嬰之子賈遠

閉塗

不通外使也服虔

逆越女之子

越女昭王妾同

三代命祀祭不越望

謂所受王命祀其國中山川為望同

並史記
注四十

於駘

駘齊邑賈逵

史記注
三十二

年^七傳不過十二

周禮王合諸侯享禮十有二牢上公九牢侯伯七牢

子男五牢同

史記注
三十一

端委

玄端之衣委貌之冠

王肅穀梁
疏七

立於社宮

社宮中有室屋者鄭衆 社宮社也服虔

乃背晉而奸宋

以小加大賈逵

並水經注
三十五

年八經及闡

闡在岡縣北杜例 岡縣西四十里有闡亭土地名

並水經注

二十四

年十傳三日哭於軍門之外

諸侯相臨之禮服虔 史記注
三十一

侵及賴

賴齊邑服虔

史記注
三十二

十一年傳猶獲石田也

石田不可耕

王肅

其有顛越不共則劓殄無遺育

顛隕也越墜也顛越無道則割絕無遺也服虔

於鮑氏

鮑氏齊大夫同

使賜之屬鏤

屬鏤劍名

同並史記注
三十一

鳥則擇木

鳥喻已木以喻所之國

同史記注
四十七

十二年經於橐臯

橐臯地名

同史記注
三十一

傳請尋盟

尋溫也

賈注
論語
疏二

尋之言重也

服注

亦可寒也

寒歆也亦可寒而歆之同

並儀禮疏十七

十三年傳王惡其聞也

惡其聞諸侯賈逵

自剄七人

以絕口服虔

乃先晉人

外傳曰吳先歆晉亞之先敎晉晉有信又所以外吳

賈逵

並史記注
三十一

十四年
經西狩獲麟

視明禮修則麒麟至服注

經典釋文五

思睿信立白虎

擾言從乂成則神龜在沼聽聰知政而名川出龍貌

恭禮仁則鳳凰來儀

詩疏一
之三

麟中央土獸土為

信信禮之子修其母致其子

同
朱校本禮記疏三十一

傳於大野

藪名魯田圃之常處蓋今鉅野是也同

叔孫氏之車子鉏商

車子微者也鉏商名也同

以為不祥

麟非時所常見故怪之以為不祥同

曰麟也然後取之

仲尼名之曰麟然後魯人乃取之明麟為仲尼至也

同

並史記注
四十七

闕止

子我也賈逵

諸御鞅

齊大夫也同

子我夕陳逆殺人逢之

子我將往夕有事於君而逢逆之殺人也服虔

陳氏方睦

陳常方欲謀有齊國故和其宗族同

使疾而遺之潘沐

使陳逆詐病而遺也同

子我盟諸陳於陳宗

子我見陳逆得生出而恐為陳氏所怨故與盟而請和也陳宗宗長之家同

陳豹

陳氏族也賈逵

使公孫

齊大夫也同

我遠於陳氏矣

言與陳氏宗疎遠也服虔

且其違者

不從子我者同

彼得君弗先必禍子

彼謂闕止也子謂陳常也同

子行舍於公宮

止於公宮為陳氏作內間也同

四乘如公

成子兄弟八人二人共乘故曰四乘同

出逆之遂入閉門

成子兄弟見子我出遂突入反閉門子我不得復入

同

侍人禦之

閹豎以兵禦陳氏同

子行殺侍人

舍於公宮故得殺之同

公與婦人飲酒於檀臺

當陳氏入時飲酒於此臺同

成子遷諸寢

欲徙公令居寢也同

太史子餘

齊大夫同

將出

出奔也同

攻闔與大門

宮中之門曰闔大門公門同

適豐丘

陳氏邑賈遠

殺諸郭闕

齊闕名服虔

將殺大陸子方

子方子我黨大夫東郭賈也同

於舒州

陳氏邑也賈逵

並史記注
三十二

十五年傳舍於孔氏之外圃

圃園同

二人蒙衣而乘

二人謂良夫太子蒙衣為婦人之服以巾蒙其頭而

共乘也同

孔氏之老樂寧問之

家臣稱老問其姓名同

稱姻妾

婚姻家妾同

適伯姬氏

適伯姬所居服虔

杖戈而先

先至孔悝所同

介與緞從之

介被甲也與緞豚欲以盟賈逵

遂劫以登臺

於衛臺上召衛羣臣服虔

使告季子

季路為孔氏邑宰故告之同

召獲駕乘車

召獲衛大夫駕乘車不駕兵車也言無距父之意同

行爵食炙

樂甯使召季路乃行爵食炙同

奉衛侯輒

召獲奉衛侯同

遇子羔將出

子羔衛大夫高柴孔子弟子也將出奔賈逵

弗及不踐其難

是時輒以出不及事不當踐其難子羔言不及以為

子路欲死國也鄭衆言家臣憂不及國不得踐履

其難賈逵

食焉不辟其難

言食慚之祿欲救慚之難此明其不死國也服虔

公孫敢

衛大夫同

無入為也

言輒已出無為復入同

必或繼之

必有繼續其後攻太子王肅

下石乞孟賁敵子路

二子蒯聵之臣敵當也服虔

冠不免

不使冠在地

並史記注
三十七

十六年傳稱一人非名也

天子自謂一人非諸侯所當名同

史記注
四十七

為白公

白邑名楚邑大夫皆稱公同

如高府

高府府名賈遠

以如昭夫人之宮

昭王夫人惠王母越女也服虔

並史記注四十

十七年傳國子實執齊柄

秉權柄同

史記索隱二十

如魚窺尾

魚勞則尾赤以喻蒯瞶淫縱鄭衆

詩疏一之三

立公子起

起靈公子服虔

史記注三十七

二十二年傳居甬東

越東甬江東也賈逵

史記注三十七

二十七年傳盟於平陽

宣八年平陽東平陽也泰山有平陽縣此年平陽西

平陽也高平南有平陽縣

土地名
宋本疏三十六

屬孤子

屬會也孤子死事者之子失名注

設乘車兩馬

大夫車服也一曰兩飾同

繫五邑焉

加之五邑也同

隰之役

在哀二十三年

同並御覽
二百一

多間

間隙也賈逵

公游於陵阪

陵阪地名服虔

並史記注
三十一

古經解鉤沉卷二十一下